



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xxvii. De clerico excommunicato, deposito, vel interdicto ministrante.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

Qui de summo pontificatu male dixerit exemplari pœna punitor.

1. *Innotuit.*
2. *Statuimus.*

Quod si in deum, aut beatorum aliquem, maxumè in magnam matrem debacchatus erit: ita per episcopum punitor. Septem dominicis diebus dum sacra peraguntur pro foribus ecclesiæ catamidiator. ultimo dominico sine pallio, & calceamentis existens corrigia circa collum obligatus esto. sex præcedentibus feriis in pane & aqua ieiunato. templum ne ingreditor. quolibet prædictorum dierum vnum, duos, tresve, si poterit, pauperes reficito. alioquin id in pœnam aliam commutator. cui si non parebit: ei ingressus ecclesiæ interdicitor. mortuus ecclesiastica sepultura careto. Per temporalem porrò potestatem pro personæ qualitate pecuniariè multator. Hoc & inter cætera communitatum statuta describitor.

De clerico excommunicato, deposito, vel interdicto ministrante. Tit. 27.

Clerici excommunicati diuina celebrantes omnibus ecclesiasticis beneficiis spoliantor.

6. *Fraternitati.*

Si quis tamen excommunicatus, at excommunicationis noticiam per solâ famam habens celebrarit: licet summo iure deponi debeat, misericorditer cum eo dispensari valet.

5. *Illud.*

Sin suspensionem ignorasset (nisi fortè crassa, supina, aut erronea fuerit ignorantia) nec

9. *Apostolica.*

De cler. excō. depo. vel int. minist.

dispensatione egeto.

3. *Clerici.* Alioquin clerici interdicti vel excommunicati ante absolutionem diuina celebrantes, ni moniti mox redierint, etiam perpetuò depouuntur.
7. *Postu-
lasti. in
princ.* Nam & clericis excommunicatis beneficia ne conferuntur. Conlata (ni misericorditer dispensatum erit) retinere ne valēto. Conlatores, si sciet faxint, donec veniam consequi mereantur, a conlatione beneficiorum suspenduntur.
8. *Propo-
suit.* Conlatio tamen ei facta, qui olim excommunicatus quidem fuit, at conlationis tempore absolutus, valet.
10. *Si ce-
lebrat.* Sed & excommunicatus tantum minori si celebrat, quamuis peccet, irregularis tamen ne esto, &, quamuis eligi non possit, eligere valet & ea quæ iurisdictionis sunt exercere. si ecclesiastica sacramenta conferat: peccare quidem intellegitor, at conlata (modò ne in contemptum ecclesiasticæ disciplinæ contra prohibitionem superioris communioni excommunicatorum se ingesserit, vt anathemate feriri debeat) virtutis effectum ne carento.
7. *θεμα.
fi.* Qui autem in locis interdictis diuina officia celebrant, quamuis excommunicati sient, si tamen seculares erunt, etiam beneficiis priuātor. si monachi, vel moniales, in arctiora monasteria detruduntur.
1. *Si quis
episcopus.* At episcopus, presbyter, diaconusve depositus in ordine ministrās ab ecclesia abscinditor.
2. *Si quis
presbyter.* Et generaliter clericus exauthoratus, aut suspensus in ordine ministrans, conreptusque non de-

sistens excommunicator. Qui olli communicabit eandem pœnam incurrito. In clericis, laicis, fœminis idem obseruator, hæc qui contempserit (si nec episcopus emendare poterit) per secularem potestatem ad requisitionem ecclesiæ exilio damnator.

Si tamen in hoc ingens multitudo peccasset: ^{4. Latores.} hi qui causam dederint deponuntur, cæteri temporariè suspenduntur, omnibus pœnitentia discretè indicitor.

De clerico non ordinato ministrante. Tit. 28.

SI quis nõ ordinatus baptisauerit, diuinumve ^{1. Si quis.} quod officium exercuerit: ab ecclesia abiicitor, nunquam ordinator.

Sin tantum diaconus missam celebrare præsumpserit: ad sacerdotiũ ne promouetur, à diaconatu ad tempus suspenditor, in beneficio tamen misericorditer relinquitur, at ei pœnitentia indicitor. Prudentiũs autem si monasterium ingredietur facito. ^{2. Ex literis.}

De clerico per saltum promotò.
Tit. 29.

Qui ignorans per saltum ex hypodiacono ^{1. Tit.} presbyter factus est, cum ob huiusmodi negligentiam pœnituescit, in diaconũ ordinator, & ita in sacerdotio ministrare dispensatiuè permittitor.